



Sufinansira Evropska unija



Sweden
Sverige

Sufinansira Švedska

KOLIKO ŽENE UČESTVUJU

U PROCESU EVROPSKIH INTEGRACIJA?

Rodna analiza Mehanizma koordinacije

Bosna i Hercegovina

2023

**PRAVA
ZA SV=**

ZAŠTO RODNA ANALIZA MEHANIZMA KOORDINACIJE?

Mehanizam koordinacije je specifičan i posebno dizajniran administrativni i operativni sistem za komunikaciju i saradnju između različitih nivoa vlasti u BiH u procesu evropskih integracija. Uspostavljen je Odlukom o sistemu koordinacije procesa evropskih integracija u Bosni i Hercegovini koju je Vijeće ministara donijelo 2016. godine. Kroz izvještaje EK o napretku BiH je više puta naveden kao neophodan, posebno za omogućavanje efikasne interakcije između BiH i EU.

Sistemom koordinacije uređuje se način ostvarivanja komunikacije između institucija u BiH s ciljem osiguranja i iznošenja usaglašenog stava u ime BiH u komunikaciji s institucijama EU.

Ova rodna analiza prikazuje procentualnu zastupljenost žena i muškaraca u svim tijelima Mehanizma koordinacije, stvarnu raspodjelu moći u politici i državnim institucijama, te pruža uvid u kojoj mjeri žene zaista učestvuju u procesu evropskih integracija.

U sklopu Mehanizma koordinacije, a u cilju djelotvornog provođenja vertikalne koordinacije između različitih nivoa organizacije vlasti, uspostavljena su četiri zajednička tijela u kojima se odluke donose konsenzusom.


Sva uspostavljena tijela Mehanizma koordinacije ukupno broje 2020 članova, izabranih zvaničnika i državnih službenika iz 14 vlada na svim nivoima vlasti (državni, entitetski i kantonalni nivo). Čini ga 36 radnih grupa koje pokrivaju sva poglavlja pravne stečevine, kao i političke i ekonomske kriterije.

Neka od ovih uspostavljenih tijela su politička jer se odluke donose na najvišem političkom nivou, a neka su tehnička i operativna kako bi se osigurala opšta, tehnička, operativna i metodološka koordinacija s ciljem osiguranja što višeg stepena sveobuhvatnosti u radu nadležnih institucija.

TA TIJELA SU:



Kolegij za evropske integracije je najviše političko tijelo u sistemu koordinacije procesa evropskih integracija u BiH. Zadatak Kolegija je osiguravanje usaglašenosti stavova o ključnim, strateškim i političkim pitanjima, te otklanjanje eventualnih zastoja u ispunjavanju obaveza iz procesa evropskih integracija BiH u krajnjoj instanci.

Čine ga predsjedavajući Vijeća ministara BiH i njegovi zamjenici, predsjednik i dva člana Vlade Federacije BiH, predsjednik i dva člana Vlade Republike Srpske, gradonačelnik Brčko distrikta BiH, te predsjednici vlada svih kantona u Federaciji BiH.



Ministarske konferencije su također politička tijela unutar mehanizma koordinacije čijim djelovanjem se osigurava sveobuhvatan i ujednačen pristup nadležnih institucija sa svih nivoa vlasti u pojedinim sektorskim oblastima obuhvaćenim procesom evropskih integracija. Ministarske konferencije doprinose prevladavanju eventualnih zastoja u ispunjavanju obaveza BiH u procesu evropskih integracija, te procesu programiranja pomoći EU, a koji nisu mogli biti riješeni u okviru tehničkih i operativnih tijela u sistemu koordinacije.



Čine ih resorni nadležni ministri iz Vijeća ministara BiH, vlada entiteta i kantona, te predstavnici Vlade Brčko distrikta, u skladu s njihovim ustavnim nadležnostima za materiju koja se razmatra ili oblast za koju je ministarska konferencija formirana.



Komisija za evropske integracije je tijelo zaduženo za opću, tehničku, operativnu i metodološku koordinaciju s ciljem osiguranja što višeg stepena sveobuhvatnosti u radu nadležnih institucija na svim nivoima vlasti u BiH u oblasti evropskih integracija. Stalni članovi Komisije za evropske integracije su direktor Direkcije za evropske integracije, te po jedan predstavnik vlada oba entiteta, svih kantona i Vlade Brčko distrikta BiH, koji su zaduženi za poslove koordinacije procesa evropskih integracija, kao i imenovano lice u ime Direkcije za evropske integracije u svojstvu sekretara ove Komisije.

Važno je napomenuti da Komisija za evropske integracije omogućava učešće predstavnika nevladinog sektora i akademske zajednice kao dopunskih članova. Njihovo učešće je moguće po pozivu predsjedavajućeg, na osnovu prethodno osigurane saglasnosti svih stalnih članova Komisije.

Radne grupe za evropske integracije su operativna tijela u sistemu koordinacije koja djeluju u skladu sa smjernicama koje definiše Komisija za evropske integracije. Uspostavljene su 36 radne grupe u skladu s pravnom tečevinom EU, te tematskim poglavljima i članovima SSP. U sastavu radnih grupa su predstavnici nadležnih institucija sa svih nivoa vlasti u BiH, u skladu s ustavnim nadležnostima za oblasti za koje su radne grupe uspostavljene. Svaka radna grupa ima predsjedavajućeg i dva zamjenika koji se na mjestu predsjedavajućeg radne grupe rotiraju svakih šest mjeseci. Radne grupe su zapravo tijela koja nose najveći teret posla u procesu integracija.



Međutim, kada pogledamo imenovane predsjedavajuće i zamjenike predsjedavajućih Radnih grupa vidi se da mnogo veća zastupljenost procentualno pripada muškarcima zapravo tijela koja nose najveći teret posla u procesu integracija.

